



Broj: 05-04-39635-5/24

Sarajevo, 05.09.2024.godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj 49/05 i 103/21), člana 96. Pravilnika o unutrašnjoj organizaciji Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, broj 05-02-31063/24 od 31.5.2024. godine i Odluke Vlade Kantona Sarajevo, broj 02-04-38911-10/24 od 08.08.2024. godine, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo objavljuje

JAVNI OGLAS

za prijem namještenika u radni odnos na neodređeno vrijeme

1. Naziv radnog mjesta

a) viši referent za kontrolu obavljanja poslova zajedničke komunalne potrošnje -1 (jedan) izvršilac

2. Opis poslova radnog mjesta

tehničko dokumentiranje činjenica o stanju javnih površina na terenu (izrada zapisnika i obrada podataka) u svrhu poduzimanja mjera na intervencijama u saradnji sa KJKP-a i drugim nadležnim institucijama, kao i kontroli realizacije operativnih planova preduzeća; prikupljanje i obrada podataka koji služe planiranje sredstava za godišnje Programe ljetnog i zimskog održavanja cesta i javnih površina; na terenu kontroliše izvršenje usluga kantonalnih javnih komunalnih preduzeća iz segmenta zajedničke komunalne potrošnje i sačinjava zapisnik o istom; vođenje evidencija kao i izrada informacija, analiza i izvještaja i drugih analitičkih materijala o provođenju Programa ljetnog i zimskog održavanja cesta i javnih površina, umnožava materijale za Vladu, po potrebi obavlja i kurirske poslove, obavlja i druge poslove koje mu odredi ministar, pomoćnik ministra i šef Odjeljenja; za svoj rad odgovara šefu Odjeljenja. U obavljanju poslova koji su u opisu ovog radnog mjesta obavezan je da vrši planiranje, organizovanje, vođenje i kontrolu sistema upravljanja kvalitetom usluga po zahtjevima Standarda ISO 9001 i obavezan je da primjenjuje i unapređuje Politiku sistema upravljanja kvalitetom, realizuje utvrđene ciljeve kvaliteta i primjenjuje sve usvojene procedure vezane za sistem upravljanja kvalitetom.

3. Posebni uslovi za obavljanje poslova radnog mjesta

Pored općih uslova iz člana 24. Zakona o namještenicima u organima državne službe u F BiH ("Sl. novine FBiH", br. 49/05 i 103/21) kandidati trebaju ispunjavati i posebne uslove za obavljanje

poslova navedenog radnog mjesta utvrđene Pravilnikom o unutrašnjoj organizaciji Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, i to:

- srednja stručna sprema - IV stepen - završena elektrotehnička škola ili grafička ili ekonomska škola ili gimnazija ili srednja šumarska škola;
- poznavanje rada na računaru;
- najmanje 10 mjeseci radnog staža i
- položen stručni ispit.

4. Uz svojeručno potpisanu prijavu na Javni oglas koja sadrži kraću biografiju, adresu i kontakt telefon, kandidati su obavezni priložiti original ili ovjerenu kopiju (ne stariju od šest mjeseci) sljedećih dokumenata:

- Uvjerenje o državljanstvu BiH (ne starije od 6 mjeseci);
- Izvod iz matične knjige rođenih;
- Dokaz o vrsti i stepenu školske spreme potrebne za obavljanje radnog mjesta;
- Dokaz o radnom stažu (Uvjerenje izdato od PIO/MIO sa šiframa zanimanja ili potvrda poslodavca);
- Uvjerenje o položenom stručnom ispitu, u skladu sa Zakonom o namještenicima u organima državne službe u Federaciji Bosne i Hercegovine;
- Izjava kandidata da nije obuhvaćen odredbom člana IX.I. Ustava BiH, ovjerena od strane nadležnog organa;
- Izjava kandidata da u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u F BiH, odnosno BiH, ovjerena od strane nadležnog organa;
- Uvjerenje ili certifikat o poznavanju rada na računaru;
- Dokumentacija kojom se dokazuje status iz tačke 5. Javnog oglasa.

Kandidati koji budu ispunjavali uvjete Javnog oglasa bit će testirani i sa njima će se obaviti intervju. Izabrani kandidat dužan je dostaviti ljekarsko uvjerenje o zdravstvenoj i radnoj sposobnosti prije stupanja na posao. Namještenik koji bude primljen u radni odnos putem ovog Javnog oglasa podliježe obavezi probnog rada u trajanju od tri (3) mjeseca.

Napomena: kandidati koji nisu položili stručni ispit mogu se primiti u radni odnos, ali su dužni taj ispit položiti najkasnije u roku od šest mjeseci od dana prijema u radni odnos u organ državne službe. Namješteniku koji ne položi stručni ispit navedenom roku prestaje radni odnos u organu državne službe o čemu se donosi rješenje.

5. Prednost pri zapošljavanju pod posebnim uslovima

Prednost pri zapošljavanju ostvaruju branioци i članovi njihovih porodica, u skladu sa Zakonom o dopunskim pravima boraca-branitelja BiH („Službene novine Kantona Sarajevo“, broj: 31/22), Zakonom o pravima demobilisanih branilaca i članova njihovih porodica („Službene novine Federacije Bosne i Hercegovine“, broj: 54/19) i Uredbom o jedinstvenim kriterijima i pravima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20 i 27/21).



| Redni broj | Pripadnost branilačkoj kategoriji | Naziv dokaza - dokumenta | Organ koji ga izdaje |
|------------|---|--|--|
| 1. | Član porodice šehida/poginulog, umrlog i nestalog branioca | - Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida - poginulog, umrlog i nestalog branioca i - Uvjerenje o učešću u Oružanim snagama za šehida-poginulog, umrlog i nestalog branioca | Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta |
| 2. | Ratni vojni invalid | Rješenje o priznatom svojstvu ratnog vojnog invalida | Općinska služba za boračko-invalidsku zaštitu |
| 3. | Dobitnik ratnog priznanja i odlikovanja | Rješenje o priznatom pravu na mjesečno novčano primanje dobitniku priznanja | Općinska služba za boračko-invalidsku zaštitu |
| 4. | Demobilizirani branioci | Uvjerenje o učešću u Oružanim snagama | Grupa za pitanja evidencija iz oblasti vojne obaveze prema mjestu prebivališta |
| 5. | Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca. | Uvjerenje o statusu djeteta ratnog vojnog invalida Rješenje o priznatom pravu na: a) invalidninu, b) mjesečni novčani dodatak c) uvjerenje o učešću u Oružanim snagama | a) i b) Općinska služba za boračko-invalidsku zaštitu c) Grupa za pitanja evidencija iz oblasti vojne obaveze prema mjestu prebivališta |
| 6. | Supruge ratnih vojnih invalida | Uvjerenje o statusu supruge ratnog vojnog invalida Rješenje o priznatom pravu na invalidninu | Općinska služba za boračko-invalidsku zaštitu |

6. Rok trajanja javnog oglasa i adresa za podnošenje prijave:

Prijave na Javni oglas sa dokazima o ispunjavanju uslova dostaviti u zatvorenoj koverti poštom preporučeno ili neposredno putem pisarnice Kantona Sarajevo, najkasnije u roku od 15 (petnaest) dana od dana objave Javnog oglasa u dnevnim novinama na adresu:

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo ul. Reisa Džemaludina Čauševića 1, 71 000 Sarajevo
“Komisija za provođenje Javni oglasa za prijem namještenika - ne otvaraj”

Nepotpune i neblagovremene prijave neće se uzeti u razmatranje.

MINISTAR
Bojan Bošnjak



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-086, Fax:+ 387 (0) 33 562-177
 Web: <http://mkipgo.ks.gov.ba>,
 E-mail: mkipgo@mkipgo.ks.gov.ba